



SAWA Kongres ~ Oktober 2011



Rietvalleiers wat die Kongres bygewoon het:

Links voor: Diana Fourie (SAWA Vrou – 2011), Marietjie Klaasen, Marthie Momberg, Rina de Klerk, Ansie Delport en Anne-Marie Engelbrecht
Links agter: Jacques Fourie, Tjaart Klaasen, Willem Momberg, Neels de Klerk, Chris Delport en Hennie Engelbrecht

SAWA se President, Nico Spaumer, het die kongres geopen en die belangrikheid van die lede beklemtoon. Verder het hy oor die uitdagings in ons bedryf uitgewy:

- Kampeertariewe;
- Tolgeld;
- swak pad infrastruktuur;
- stygende brandstof pryse en
- finansiële invloed.

'n Saak wat kommer wek is die groot getalle senior burgers in vergelyking met die jonger lede. Daar is 5 streke met minder as 50% senior burgers en 10 streke met meer as 50% senior burger lede en selfs tot op 90% senior lede.

---ooOoo---

Met 2012 se ope-kongres wat op Hartenbos gehou word, is daar verskeie toere wat daarheen gereël word. Christo van der Merwe verskaf die volgende inligting in verband met die toere:

- 1. Drie Weke toer : Hierdie toer het goeie belangstelling uitgelok en ten tye van die kongres was daar slegs 8 plekke nog beskikbaar.**

- 2. Die twee weke toer :** Ten tye van die kongres was daar nog geen belangstelling nie en streke is gevra om met die organiseerders van die toer in verbinding te tree.
- 3. Met die Blitz-toer wat deur Jannie Meyer gereël word, word daar 2 dae na Hartenbos gery, bly dan 3 nagte op Hartenbos en ry dan weer 2 nagte terug.** Dit wil voorkom of dit 'n baie gewilde toer gaan wees en belangstellendes word gevra om met Jannie in verbinding te tree.

'n Algemene versoek word gerig aan almal wat die Kongres gaan bywoon om oppad daarheen, by die Kango Bergoord bymekaar te kom en dan daarvandaan saam na Hartenbos in 'n konfooi te ry.

---ooOoo---

Die Nasionale voorsteller, Jurie Dreyer, versoek dat die nuusbriewe in 'n "hard copy" by die kantoor ingedien word. Dit is vir beoordeling. 'n Fout wat gereeld op die nuusbriewe voorkom is dat die datum nie daarop verskyn nie (Rietvallei is nie daaraan skuldig nie). Verder word daar besluit dat die sluitingsdatum vir 2012 se nuusbriewe vir beoordeling vir die Kongres, Julie 2012 sal wees.

Die versoek word ernstig gerig dat die webwerwe op datum gehou moet word.

FINANSIES

Finansiële state is voorgelê en aanvaar.
'n Voorstel is ingedien dat ledegeld met R30 per jaar verhoog vanaf 1 Desember 2011 en is so aanvaar en goedgekeur.

BESPREKINGSPUNTE

- 1. Oorplasing van lede van een streek na 'n ander is gewysig dat die streek waarheen die lid oorplaas, goedkeuring moet gee en dat die streek waarvandaan die lid oorgeplaas word, die administratiewe kantoor daarvan in kennis te stel.**
- 2. Die reëlingskomitee van 'n Sateliet word in die Grondwet geskryf en alle riglyne word vervat in die Grondwet hoe die komitee saamgestel moet word en moet funksioneer.**
- 3. Na aanleiding van bogenoemde is daar ook besluit dat Satelietstreke se reëlingskomitees voortaan een stem op die Kongres het.**



Kongres in sitting - hier word hard gewerk op 'n Saterdaa

4. Die voorgestelde Nasionale verteenwoordigerskonsep is tot stemming gebring; daar kon nie 'n 2/3 meerderheid verkry word nie en die konsep is dus laat vaar.

VERKIESING VAN NASIONALE DAGBESTUUR

President	- Nico Spaumer
Voorsitter	- JJ Dreyer
Onder Voorsitter	- JC Meyer
Sekretaris	- WP Bronkhorst
Penningmeester	- S Jordaan (Fanie)
Skakelbeampte	- A Knoetze

Na die Kongres moes elke gebied weer gebieds-bestuur verkies. Die volgende persone is by Jakaranda-gebied verkies:

Voorsitter - P van Biljon	Onder Voorsitter	- Martin Rix
Nuusbrief - Johan Lemmer	Sekretaris/finansies	- Mel Ueckermann
Senior Burger verteenwoordiger - Johanna van Biljon		



Rietvalleiers
aan die kuier –
dit is wat ons
DIE BESTE
doen!

